



OPĆENITO O KOMISIJAMA PARLAMENTARNE SKUPŠTINE BiH

Komisije imaju veoma značajnu ulogu i doprinose racionalnijem i efikasnijem radu domova. Dom naroda ima tri stalne komisije, Predstavnički dom sedam stalnih komisija, a oba doma imaju šest zajedničkih stalnih komisija. Komisije su formirane prema oblastima iz nadležnosti Parlamentarne skupštine Bosne i Hercegovine, tako da njihova organizacija prati odgovarajuću organizacionu strukturu ministarstava u Vijeću ministara Bosne i Hercegovine.

Na taj način osigurana je neposredna parlamentarna kontrola nad radom ministarstva i provođenjem zakona u oblasti za koju je odgovarajuće ministarstvo nadležno. Sve prijedloge zakona kao i druge akte koje razmatraju domovi prethodno razmatraju nadležne komisije, koje domovima o tome podnose izvještaje i mišljenja o usklađenosti sa Ustavom i pravnim sistemom Bosne i Hercegovine, odnosno o principima predloženog zakona, te amandmane na zakone koji se nalaze u proceduri razmatranja i usvajanja. Nadležna komisija razmatra amandmane na prijedlog zakona, a usvojeni amandmani postaju sastavni dio prijedloga zakona koji razmatra dom. Komisije mogu odlučiti da vode javnu raspravu o predloženim zakonima, mogu provoditi saslušanja i zahtijevati izvještaje od bilo kojeg izabranog ili imenovanog zvaničnika, službenika ili institucije. Također, odlučuju i o pitanjima koja im domovi prenesu u nadležnost, s tim što se na komisije ne može prenijeti nadležnost za usvajanje zakona.



ZAJEDNIČKA KOMISIJA ZA EVROPSKE INTEGRACIJE

ZAJEDNIČKA KOMISIJA ZA EVROPSKE INTEGRACIJE

**PREDSTAVNIČKI DOM
DOM NARODA**

**ZAJEDNIČKA KOMISIJA
ZA EVROPSKE INTEGRACIJE**



PARLAMENTARNA SKUPŠTINA
BOSNE I HERCEGOVINE

PARLAMENTARNA SKUPŠTINA
BOSNE I HERCEGOVINE
Trg BiH 1
71000 Sarajevo

Telefon: + 387 33 28 60 18
Fax: + 387 33 22 68 41
E-mail: zkei@parlament.ba

www.parlament.ba



PARLAMENTARNA SKUPŠTINA
BOSNE I HERCEGOVINE

ZAJEDNIČKA KOMISIJA ZA EVROPSKE INTEGRACIJE

Zajednička komisija za evropske integracije jedna je od šest stalnih zajedničkih komisija oba doma Parlamentarne skupštine BiH. Zajedničke komisije imaju 12 članova, od kojih se šest bira iz Predstavničkog doma a šest iz Doma naroda, s tim da se dvije trećine članova biraju s teritorije Federacije BiH, a jedna trećina s teritorije Republike Srpske. Zajedničke komisije među svojim članovima biraju predsjedavajućeg, te prvog i drugog zamjenika predsjedavajućeg, koji se biraju iz tri konstitutivna naroda. Predsjedavajući i prvi zamjenik predsjedavajućeg ne mogu biti članovi istog doma.

Članovi Zajedničke komisije za evropske integracije Parlamentarne skupštine BiH ujedno su i članovi Parlamentarnog odbora za stabilizaciju i pridruživanje između Parlamentarne skupštine BiH i Evropskog parlamenta. Osim članova ove komisije, u Parlamentarnom odboru je i 12 poslanika koje imenuje Evropski parlament. Dužnost Parlamentarnog odbora za stabilizaciju i pridruživanje je da razmatra sve aspekte odnosa između Evropske unije i Bosne i Hercegovine i, posebno, primjenu Sporazuma o stabilizaciji i pridruživanju. Parlamentarni odbor za stabilizaciju i pridruživanje konstituiran je 5. novembra 2015. godine. Sastaje se dva puta godišnje i njime naizmjenično predsjedavaju predsjedavajući delegacije Parlamentarne skupštine BiH i delegacije Evropskog parlamenta.

Članovi Zajedničke komisije za evropske integracije Parlamentarne skupštine BiH su i članovi Parlamentarnog foruma za evropske integracije BiH. Putem Parlamentarnog foruma za evropske integracije BiH obavljaju se konsultacije s parlamentarcima na različitim nivoima vlasti, s ciljem praćenja procesa integriranja i traženja rješenja za probleme koji se pojave u tom procesu. Parlamentarni forum za evropske integracije BiH razmatra sve aspekte procesa evropskog integriranja BiH, te raspravlja o odnosima između Evropske unije i Bosne i Hercegovine i, posebno, o primjeni Sporazuma o stabilizaciji i pridruživanju.

NADLEŽNOSTI

U skladu s članom 62. Poslovnika Predstavničkog doma i članom 52. Poslovnika Doma naroda Parlamentarne skupštine BiH, Zajednička komisija za evropske integracije razmatra pitanja koja se odnose na:

- a) raspravu o općim pitanjima koja su u vezi s evropskim integracijama;
 - b) praćenje izvršavanja prava i obaveza Bosne i Hercegovine proizašlih iz međunarodnih ugovora koji se odnose na Vijeće Evrope;
 - c) koordiniranje rada komisija Parlamentarne skupštine BiH u vezi s evropskim integracijama i dostavljanje mišljenja, preporuka i upozorenja tim komisijama;
 - d) analiziranje posljedica integracijske strategije za Bosnu i Hercegovinu i pripremu sveobuhvatnih izvještaja;
 - e) razmatranje planova, programa, izvještaja i informacija o Procesu stabilizacije i pridruživanja EU;
 - f) praćenje realizacije strategije pridruživanja, pokretanje inicijative za ubrzanje realizacije strategije pridruživanja u okviru nadležnosti Parlamentarne skupštine BiH;
 - g) nadziranje usklađivanja zakona Bosne i Hercegovine s pravnom tečevinom EU
- (*acquis*) kada Komisija stekne uslove za to;
- h) saradnju s institucijama u Bosni i Hercegovini (posebno s Direkcijom za evropske integracije), institucijama EU i drugih zemalja u vezi s pitanjima integracije;
 - i) organiziranje prezentacije istraživanja javnog mišljenja o pitanjima integracije;
 - j) prikupljanje, pohranjivanje i sistematsko prezentiranje članovima Komisije informacija u vezi s EU;
 - k) nadziranje korištenja dodijeljenih sredstava EU;
 - l) obavljanje drugih poslova u vezi s evropskim pitanjima koja ne spadaju u nadležnost ostalih radnih tijela;
 - m) održavanje javnog saslušanja u vezi s pitanjima evropskih integracija radi prikupljanja mišljenja predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

Ova zajednička komisija razmatra i druga pitanja u vezi s evropskim integracijama.

ČLANOVI MANDATNI PERIOD 2014. - 2018.



Nikola Lovrinović
predsjedavajući



Ognjen Tadić
*prvi zamjenik
predsjedavajućeg*



Nermina Kapetanović
*druga zamjenica
predsjedavajućeg*



Zdenka Džambas



Halid Genjac



Saša Magazinović



Milica Marković



Aleksandra
Pandurević



Sifet Podžić



Nebojša
Radmanović



Fehim Škaljić



Ljilja Zovko